



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

XXXVIII. Die Stadt Eberswalde leistet dem Könige Wenzel von Böhmen als
Markgrafen von Brandenburg die Huldigung, am 1. September 1373.

Nutzungsbedingungen

[urn:nbn:de:hbz:466:1-54734](https://nbn-resolving.org/urn:nbn:de:hbz:466:1-54734)

ist zu Strawsberg, nach Cristus Geburt Dreyzenhundert Jar, darnach in dem drey vnd siebenzigsten Jar, an Sant Ruffen Tag, vnser Reiche in dem achtvndzwanzigsten, vnd des Kaifertums in dem Newntzehenden.

De Mandato domini Imperatoris
Nicolaus, cameracensis Prepositus.

Aus v. d. Hagen's Beschreibung, S. 282.

XXXVIII. Die Stadt Eberswalde leistet dem Könige Wenzel von Böhmen als Markgrafen von Brandenburg die Huldigung, am 1. September 1373.

Wir die Burgermeister, Ratmanne, die Geworen vnd die Burger gemeinlich der Stat zu Eberfwald, fur vns, alle vnser Erben vnd nachkomen Burgere zu Eberfwald ewiclichen, Bekennen offenlichen mit diesem brieffe, Wanne die hochgeboren fursten vnd herren, herre Otte, pfalczgraue bey Reyn, Herczog in Peyern, zu den zeiten vnser herre vnd Marggraue zu Brandenburg, vnd herre fridrich, Herczog zu Peyern, fur sich, herren Stephan den eltern, heren Stephan vnd herren Johannffen vnd ire Erben, Herczogen in Peyern, vns allir huldunge, eyde vnd gelobde, die wir in getan haben, ledig vnd lofsgefagt vnd genczlichen geloffen haben, vnd vns an den durchleuchtigsten fursten vnd herren, hern Wenczlav, Kunige zu Beheim, Marggrafen zu Brandenburg vnd Herczogen zu Slesien, vnfern liben gnedigen herren, an seine Bruder vnd ire aller Erben, vnd ab sie nicht weren, an den hochgebornen fursten hern Johansen, Marggrafen zu Merhern vnd seinen erben, als an Marggrafen zu Brandenburg, erblichen, lediclichen vnd ewiclichen geweiſet haben; Dorumb so haben wir mit wolbedachtem, volkomenem vnd gemeinem Rate derselben vnser Stat Eberfwald demselben vnsern herren dem Kunige, seinen Brudern vnd iren Erben, als Marggrafen zu Brandenburg, vnd ab sie nicht weren, dem egenanten hern Johansen, Marggrafen zu Merhern, seinen erbin vnd irer allir nachkomen als Marggrafen zu Brandenburg gehuldet, gelobet vnd geworen fur vns, alle vnser Erben vnd nachkomen Burgere doselbist zu Eberfwald, vnd sweren ouch in guten trewen ane alles geuerde mit kraft dicz brieses als vnfern rechten erblichen, ordentlichen vnd naturlichen heren Marggrafen zu Brandenburg, vnd geloben fur vns, alle vnser erbin vnd nachkomen, als vorgeschriben stehet, denselben vnfern herren dem Kunige, seinen Brudern vnd irer aller erbin, vnd ab sie nicht weren, dem egenant vnsern herren dem Marggrafen zu Merhern vnd seinen Erben als Marggrafen zu Brandenburg getrewe, gewer, gehorsam vnd vnderthenig zu seien, iren frumen zu werben, iren schaden zu wenden vnd allis das gen in tun, das rechte erbliche Burger vnd lewte gen iren rechten, erblichen, ordenlichen vnd naturlichen herren Marggrafen zu Brandenburg durch recht vnd gewonheit pflichtig zu tun sint. Mit vrkund dicz brieses versigelt mit vnser Egenant Stat Ingsiegel, der gebin ist zu Eberfwald, nach Cristis geburt dreyzenhundert Jar, darnach in dem drey vnd sibenzigstem Jare, an sant Egidien tag.

Nach dem, im K. K. Geh. Hof- und Haus-Archive zu Wien befindlichen Original.